



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Tractatus De Fiducia In Deum Plurimas Et Utilissimas pro
vitâ spirituali instructiones Continens, Præcipue Ad
Obtinendam magnam animæ quietem, & afflictiones
quascunque ingenti cum solatio & fructu ...**

Dusault, Nicolas

Coloniæ Agrippinæ, 1660

§. 9. Gaudium amatorum mundi sucatum est

[urn:nbn:de:hbz:466:1-50333](https://nbn-resolving.org/urn:nbn:de:hbz:466:1-50333)

ac consolantur qui in Deo fiduciam habere repositam, constituti in suis etiam spiritibus de solationibus quæ sane omnibus, qui mundi amatores ex deliciis carnalibus capere possunt, voluptatibus præferendæ sunt.

Sed jam tempus est declarandi differentias & proprietates quas hactenus verbo duntaxat indicatas quasi intento digito demonstravimus.

§. IX.

Gaudium amatorum mundi fucatum.

SI mundum audias, non alios dices delicias affluere & gaudiis quàm impios; eos vero qui Deo serviunt ad perpetuam esse damnatos tristitiam; si verò sacras inspexeris historias, contrarium disces, nimirum solis qui Deo serviunt concedi vera gaudia, negari aliis omnibus; renuntiasse mundi divitiis & voluptatibus ut omnis spes in solo Deo ponatur, esse perennem sinceræ lætitiæ fontem ostendisse. Hæc dico quæ videntur discrepare, quomodo conciliari possint, videndum est. Lætantur impii: quis neget? ipsa quippe veritas quæ se eorum loquendi modo accommodat, lætitiæ illis materiam parit; sanctos vero tristitia afficit, sed horum tristitia verum gaudium non impedit; illorum autem fucatum

est gaudium adumbrataque lætitia, aut ve-
 rius, æternæ tristitiæ initium. Fictum est gau-
 dium quod interiorē mentis carnificinam
 falsâ specie contegit, quemadmodum Æ-
 gyptii serpentes & crocodilos pretiosis invol-
 vebant conopæis, & Judæi foetentia cadavera
 sepulchris ornabant dealbatis. Sic aurea folia
 ferum vestiunt & lutum, frondes virentes fi-
 meta & poma Gomorrhæi agri speciosis co-
 loribus illudunt oculis, nam compressa ma-
 nibus evanescunt in cineres. Fasciam solve,
 inquit Seneca, multum mali sub illa latet.
 Detrahe mundanis larvam jocantis histrio-
 nis, videbis intus edaces curas, vellicantes ti-
 mores & tristitias præcordia depascentes ma-
 jore eum horrore quàm si detractis f. sciiis ob-
 liciatur tibi caput scabiosum aut putens cloa-
 ca revulsis herbis & floribus quibus obtege-
 batur. Adeo ut, quod de eorum pace dixi-
 mus, quæ non est nisi pacis simulachrum, idē
 verissimè de gaudio eorum dicere possimus.
 Dicunt: *Pax pax, sed non est pax impiis.* Hui. 59.
 aut ut 70. legunt, *non est gaudere impiis.* Ju-
 cundos illi quidem se atque lætos exhibent
 sed ratione atque experiētiâ constat non in-
 esse veram impiis lætitiā, ejus quandam in
 fronte speciem gerunt & in extremis labiis,
 sed hæc sedes est fuci ac cerussæ quam levis

ventus discutit, ita momento tollitur fuerit
eorum gaudium, qui confidunt in vanitate
& exultant in rebus fallacibus.

§. X.

*Qui sperant in Deo, eumque possident, eorum
habent gaudium.*

AT bonorum gaudium & eorum qui spe-
rant in Deo præcipue internum est, & in
medio cordis velut tutissimo loco sedem ha-
bet stabilem quo nihil, nisi ipsi velint, pen-
trare potest quod obtentam mentis tranqui-
litem perturbet. Occultus thesaurus etiam
expositus rapinæ: Manna est absconditum,
quod nemo novit, nisi qui gustat, & nemo
gustat nisi qui divinæ confidit bonitatis
providentiæ. Hinc mundus qui iudicat so-
lum de exterioribus lætitiæ illam appetit
tristitiam, Deus verò qui inspicit corda & in-
teriora pervidet rectè lætitiæ nominat, &
verissimum quidem, in cuius comparatione
voluptates ceteræ & gaudia, mæsticiæ meræ
sunt & ærumnæ ex sententiâ. Bernardi Gau-
dium illud justorum divino, ut diximus, si-
millimum est, miraculosum est quod ad
molestissimæ tribulationes possunt labete-
scere, quin potius augent illud atque am-
plicant, velut situla aquæ infusæ in ardentem
rogum, hunc non extinguit sed accendit.